

Президент эски шаҳардаги маҳаллалардан бирини Қуръон илмини ўргатишга ихтисослаштиришни таклиф этди



23:10 / 31.01.2021 1064

Президент Шавкат Мирзиёев Тошкент шаҳрида қурилаётган Ислоҳ цивилизация марказини кўздан кечиргани хабар қилинган эди. Давлат раҳбари ташриф вақтида бир қатор масалаларга тўхталиб ўтди. Хусусан, Шавкат Мирзиёев юртимизнинг давлатчилик тарихига алоҳида урғу берган.

— Биз энди мустақил бўлган давлат эмасмиз, бизнинг давлатчилик тарихимиз минг йилларга бориб тақалади. Илм-фан, тараққиёт миллатимиз қонида бор. Жаҳид боболаримиз қатағон қилинмаганда биз энди амалга оширмақчи бўлаётган учинчи ренессансни улар аллақачон бажаришган бўларди.

Жаҳид боболаримиз нима учун қириб ташланди? Чунки улар ўз йўлида давом этганда муштамлакачилар тузумига бўйсунмаган бўларди, халқни маърифатга олиб чиқарди. Бунинг учун кўп ишлар қилишга ҳам улгуришганди, Европага 70 нафар талаба бежизга юборилмаган (ўтган асрнинг йигирманчи йилларида жаҳидлар ташаббуси билан Европага талабалар юборилган. Улар таҳсил олиб қайтгач, Туркистон равнақи учун

хизмат қилиши кутилган эди — таҳририят изоҳи). Ўша талабалар ҳам қирғин қилинган. Биз энди жаҳид ота-боболаримизнинг орзуларини рўёбга чиқаришимиз лозим. Мана шу Ислом цивилизация маркази ҳам шу мақсадда хизмат қилади, — деди Президент.

Давлат раҳбари шу билан бирга Олмазор туманидаги 58 та маҳаллага маданий-маърифий масалаларда ташаббус билан чиқишни таклиф этди, дея хабар бермоқда Хабар.uz мухбири.

— Тумандаги ҳар бир маҳалла ўз ташаббуси билан чиқса яхши бўларди. Қайсидир маҳалла адабиётга ихтисослашсин, бошқаси эса маданий тадбирлар ўтказсин. Яна битта маҳаллада Қуръон илми ўргатилсин. Беруний, Ибн Сино, Хоразмий, Мотрудий ва Ал Бухорийлар меросини ўрганадиган маҳаллалар керак бизга. Масалан, Беруний меросини қанча ўргансангиз ҳам охирига ета олмайсиз. Алломаларимиз фақат битта йўналишда илм қилишмаган, баъзида улар билмаган соҳа бўлмаганмикан, деб ўйлаб қоламан. Ҳозир олимларимиз фақат битта фан бўйича диссертация ёзиб, докторлик ишини ёқлаши мумкин. Ибн Сино эса фармацевтика билан чекланиб қолмаган, балки архитектурада ҳам тадқиқотлар қилган, — деди Шавкат Мирзиёев.

Президент фаоллар билан учрашув вақтида Ўзбекистон тарихи ва Тошкент тарихини чуқур ўрганиш кераклигини алоҳида таъкидлаб ўтди.

— Мен 65 ёшга тўлаётган бўлсам, ҳаётимнинг 45 йилини Тошкентда ўтказдим. Мана шу давр мобайнида Тошкент мени тарбиялади. Ижтимоий-иқтисодий ҳаётда маҳаллалар ўрни жуда катта. Эски шаҳар маҳаллалари эса бу борада ўрнатилган бўлиши лозим.

Маҳалла раислари ҳамма учун отадек бўлади. Бу лавозимда фақат энг муносиб одамлар ишлаши керак. Ҳар битта маҳаллага иқтисодий масалалар бўйича мутахассис бириктирилган. Улар ҳудуднинг ривожини учун яна қандай қўшимча ишлар қилиш мумкинлигини белгилаб беради.

Бу дунёда ҳамма нарса нисбий. Агар ўзимизга керак нарсани ўзимиз қурмасак, четдан биров келиб қуриб бермайди, — деди Шавкат Мирзиёев.

Манба: xabar.uz